

Юртимиз уламолари ўксик кўнгилларга қувонч улашмоқдалар



22:26 / 08.06.2021 1444

Аввал хабар берганимиздек, муфтий Усмонхон Алимов ҳазратлари бошликлиаридағи бир гурӯҳ уламолар Андижон вилоятига сафарлари мобайнида ҳудуддаги ёрдамга муҳтоҷ кишиларнинг ҳолидан хабар олиб, ширин сўзлари ила уларнинг қалбларига хурсандчилик киритмоқдалар.

Ўзбекистон мусулмонлари идораси раисининг биринчи ўринbosari Ҳомиджон домла Ишматбеков ва Тошкент ислом институти катта устози Муҳаммад Аюбхон домла Ҳомидов ушбу вилоятдаги мана шундай эътиборга муҳтоҷ, кўнгли ўксик фуқаролардан бўлган “Меҳнат” маҳалласида яшовчи, оғир дардга чалинган фарзанднинг онаси Аҳмедова Нилуфар ва “Янгиҳаёт” маҳалласида истиқомат қилувчи, бемор Ахмадалиева Халимахонга “Вақф” хайрия жамоат фонди томонидан озиқовқат маҳсулотлари, диний-маърифий китоблар жамланмаси ва пул

маблағлари тарқатилди.

Мұхтарам Президентимиз томонларидан олиб борилаётган инсонпарварлық сиёсати ва ёрдамга мұхтож ақоли қатламини ҳар жиҳатдан құллаб-қувватлаш ишларидандан масур қалблар күрсатилған ёрдам ва муруватдан мамнун бўлиб, миннатдорлик изҳор қилдилар.

Дархақиқат, дини мубинимизда мұхтожларга ёрдам қўлини чўзишга доимо тарғиб этилади. Уламолар мана шундай инсонлар билан дилдан суҳбат қилиб, ҳадялар ила уларнинг дилларини равшан этмоқдалар.

Расууллоҳ соллаллоҳу алайҳи васаллам бир ҳадисларида: «Аллоҳ таолога фарзлардан кейинги энг севимли амал мусулмоннинг қалбига хурсандлик киргизишdir», деганлар.

Ҳазрат Алишер Навоий айтадилар:

Кимки бир кўнгли бузуқнинг хотирин шод айлагай,

Онча борким, Каъба вайрон ўлса, обод айлагай.

Ҳа, мана шундай хайрия ишлари орқали шундай инсонларнинг синик кўнгилларини кўтариб, дилларига мамнунлик улашиш ҳар бир виждонли инсон учун ҳузурбахш амаллардан ҳисобланади.

Уламоларнинг Андижон вилояти сафари давом этмоқда.





